

**PEGADU**

**01**

**Bos LES:** Ki bos kereh sabeh? Yo ngka sabeh nada.

**1a.** Undi bos teng 6.45pm Kintafera 27 Set?

**Bos LES:** Yo teng na yo sa kaza.

**1b.** Ki bos ta fazeh nali?

**Bos LES:** Yo ta drumih lor. Bos kereh sabeh yo sa sonu?

**1c.** Ki bos sa sonu?

**Bos LES:** Yo ta sunyah yo teng na fugang, ta paroh kezu.

**1d.** Teng otru jenti na bos sa sonu?

**Bos LES:** Ngka. Yo ngka olah kung nggeng na yo sa sonu. Namas kezu pra paroh.

**1e.** Undi bos gostah kumih?

**Bos LES:** Undi-undi yo pun ngka gostah kumih. Ngka gostah kumih mparti. Ki mas bos kereh sabeh?

**PEGADU**

**02**

**Bos LES:** Keng kereh sabeh ki? Yo nggeh papiah kung nggeng.

**2a.** Undi bos teng 6.45pm Kintafera 27 Set?

**Bos LES:** Yo teng na yo sa lugah di sibrisu.

**2b.** Undi bos sa lugah di sibrisu?

**Bos LES:** Kifoi bos kereh sabeh?

**2c.** Ki bos ta fazeh nali?

**Bos LES:** Yo ta alegrah. Ta bebeh na yo onsong sa mundu. Basu di strela.

**2d.** Teng otru jenti na bos sa mundu?

**Bos LES:** Nteh. Yo ngka bebeh kung nggeng na yo sa mundu. Tudu ja largah. Tudu ja mureh.

**2e.** Ki bos ta bebeh?

**Bos LES:** Yo ngka bebeh nada. Yo falah “bibeh” la. Bos impoku surdu ah. Mistih bai dokta pidih kung eli olah bos sa ubida.

**PEGADU**

**03**

**Bos LES:** Kifoi yo teng naki? Ki bos kereh fazeh kung yo?

**3a.** Undi bos teng 6.45pm Kintafera 27 Set?

**Bos LES:** Yo teng na yo sa kaza.

**3b.** Ki bos ta fazeh nali?

**Bos LES:** Yo ta kuzeh yo sa krengkrensa sa kumiria anoti.

**3c.** Ki bos ta kuzeh?

**Bos LES:** Kari tebal. 6.45pm yo ta muih tempra, ta sperah galinya na maikromezi.

**3d.** Kantora bolotu kumih kumiria anoti?

**Bos LES:** 7.30pm. Nus mistih sperah yo sa muleh birah kaza.

**3e.** Bolotu teng kantu krengkrensa?

**Bos LES:** 3. Olotu tudu teng na skola. Kanyong na Antiyuni Tessensohn, dos krensa na Skola Miu Sheares.

**PEGADU**

**04**

**Bos LES:** Yo kereh papiah kung yo sa kontianti. Kung ngua jurista. Isti ngka bong!

**4a.** Undi bos teng 6.45pm Kintafera 27 Set?

**Bos LES:** Na yo sa piun lah!

**4b.** Undi bos sa piun?

**Bos LES:** Ki-ki yo falah bolotu pun ngka konfiah kung yo.

**4c.** Bos gostah bos sa kambradu di sibrisu?

**Bos LES:** Sertu. Olotu tudu jenti bobu.

**4d.** Bos teng noiba-noibu?

**Bos LES:** Yo? Noiba-noibu? Keng-keng olah kung yo tudu pun lembrah olah buziu. Nadi logu buskah amor.

**4e.** Ki bos busiduh?

**Bos LES:** Tudu jenti na isti mundu mal. Yo sperah tudu jenti logu tokah kemah.

**PEGADU**

**05**

**Bos LES:** Oh Deus, yo teng tantu midu di matamata...Deus judah kung yo...

**5a.** Undi bos teng 6.45pm Kintafera 27 Set?

**Bos LES:** Yo teng na greza San Vinsenti, ta sperah misa komesah.

**5b.** Kantora komesah misa?

**Bos LES:** 7pm.

**5c.** Keng ta falah misa?

**Bos LES:** Padri Jeremy Wong. Mas eli ngka beng. Nggeng ja olah kung eli.

**5d.** Bos ngka olah kung eli?

**Bos LES:** Ngka. Yo ngka olah kung nggeng. Tudu padri nteh na greza.

**5e.** Undi bos ta sperah misa komesah?

**Bos LES:** Na keboh di komsah. Ta papiah kung Deus, ta falah kung Deus tudu angkoza rayu yo nanggora ja falah.

**PEGADU**

**06**

**Bos LES:** Yo nteh doi pra bail. Yo kereh chomah kung yo sa kontianti. Podih?

**6a.** Undi bos teng 6.45pm Kintafera 27 Set?

**Bos LES:** Na praya. Kung yo sa noiba.

**6b.** Kifoi?

**Bos LES:** Kifoi yo teng na praya? Kifoi impodih? Isti ki sorti di preguntu. Ta tomah sol lah, bro!

**6c.** Teng otru jenti na praya kung bolotu?

**Bos LES:** Nteh. Nus ngka olah kung nggeng.

**6d.** Bos gostah kung bos sa noiba?

**Bos LES:** Sertu gostah kung eli. Nus nubu ja fikah par, na Agostu. Eli mutu bunitu.

**6e.** Eli teng ex-noibu?

**Bos LES:** Sertu. Keng-keng tudu teng ex-noibu. Mas yo ngka sabeh nada di eli. Nenang papiah kung eli. Olah namas.

**PEGADU**

**07**

**BOS LES:** Seng, yo podih repostah bos sa preguntu.

**7a.** Undi bos teng 6.45pm Kintafera 27 Set?

**BOS LES:** Yo ta santah kareta bai aeroporta.

**7b.** Klai bos ja bai na aeroporta?

**BOS LES:** Um...yo ja santah kareta.

**7c.** Ki sorti di kareta?

**BOS LES:** Yo impodih lembrah. Ngua kareta grandu? Ngua kareta azul? Ngka sabeh.

**7d.** Teng otru jenti na kareta?

**BOS LES:** Ngka. Yo ngka santah na akeli kareta kung nggeng. Namas yo.

**7e.** Bos ja buskah angkoza stranjeru na kareta?

**BOS LES:** Ngka. Yo ngka buskah nada. Ja komprah isti kamiza kung dasi na butika dispois santah kareta.

**PEGADU**

**08**

**BOS LES:** Bos falah, yo repostah.

**8a.** Undi bos teng 6.45pm Kintafera 27 Set?

**BOS LES:** Yo teng na fabrika.

**8b.** Ki sorti di fabrika?

**BOS LES:** Ngua fabrika di...angkoza?

**8c.** Ki sorti di angkoza?

**BOS LES:** Ngka sabeh. Yo ja bai buskah kung ngua di yo sa kambradu.

**8d.** Kifoi bolotu ja bai nali?

**BOS LES:** Yo sa kambradu gostah fazeh sisusu; nus ja buskah angkoza pra judah nus fazeh sisusu mas bong. Teng bida mas brenas.

**8e.** Bolotu ja buskah akeli angkoza?

**BOS LES:** Yo ngka buskah nada di angkoza brenas, mas ja buskah isti faka. Yo sa kambradu, yo ngka sabeh.

**PEGADU**

**09**

**Bos LES:** Ki sorti di preguntu bos kereh pidih kung yo? Yo logu prubah repostah.

**9a.** Undi bos teng 6.45pm Kintafera 27 Set?

**Bos LES:** Yo teng na NIE.

**9b.** Ki bos ta fازه nali?

**Bos LES:** Ta mureh.

**9c.** Kifoi bos ta mureh nali?

**Bos LES:** Ki-ki ta pasah nali yo pun ngka sabeh ki ta susudeh.

**9d.** Bos gostah prendeh angkoza nali?

**Bos LES:** Kereh mureh la. Yo sa mulera ta dartah.

**9e.** Bos logu fikah mestri na kal skola?

**Bos LES:** Ngka sabeh. Undi-undi yo bai tudu skola pun nggeh kung yo.

**PEGADU**

**10**

**Bos LES:** Teng bong! Kifoi bos kereh papiah kung yo?

**10a.** Undi bos teng 6.45pm Kintafera 27 Set?

**Bos LES:** Na bazar kung yo sa sogra.

**10b.** Kifoi bos teng na bazar?

**Bos LES:** Nus ta komprah fruta kung bredu pra nus sa kumiria anoti na kaza.

**10c.** Bolotu komprah kal fruta kung bredu?

**Bos LES:** Kalkizera fruta kung bredu nus kereh lah. Kifoi bos kereh sabeh?

**10d.** Ki sorti di kumiria bolotu ja kuzeh kung isti angkoza?

**Bos LES:** Nus ja kuzeh feng, pra yo kung yo sa maridu kung yo sa sogra-sogru.

**10e.** Ja kumih bong-bong?

**Bos LES:** Seng, ja kumih mutu bong. Yo gostah yo sa kuzeh.

**PEGADU**

**11**

**Bos LES:** Kal matamata kereh sabeh ki?

**11a.** Undi bos teng 6.45pm Kintafera 27 Set?

**Bos LES:** Yo ta sperah kambradu ilagri di Tessensohn Ave 4.

**11b.** Kifoi sperah nali?

**Bos LES:** Kifoi impodih? Yo sidadang di isti tera. Podih fازه ki-ki yo kereh fازه.

**11c.** Bos ta sperah kung keng?

**Bos LES:** Ngka sperah kung nggeng.

**11d.** Bos nanggora ja falah bos ta sperah kung kambradu. Bos ta sperah kung keng?

**Bos LES:** Yo ja falah isti? Keng ja ubih isti?

**11e.** Bos ja olah angkoza stranjeru nali?

**Bos LES:** Ngka. Yo ngka buskah nada. Achoo! Oh, aiyoh, podih judah tomah yo sa lensu di yo sa bolsu? Kung akeli chabi.

**PEGADU**

**12**

**Bos LES:** Yo kereh papiah kung sior di isti stesang matamata.

**12a.** Undi bos teng 6.45pm Kintafera 27 Set?

**Bos LES:** Na seu.

**12b.** Klai bos teng nali?

**Bos LES:** Yo omi Superman la, podih buah.

**12c.** *Sior...klai bos teng nali?*

**Bos LES:** Yo ja santah na barku buah ta bai Tokio.

**12d.** Bos bai nali kung otru jenti?

**Bos LES:** Ngka. Nggeng ta kostiah kung yo.

**12e.** Bos ja olah angkoza stranjeru nali?

**Bos LES:** Ngka olah nada leh. Namas teng isti argulinya bunitu. Yo lembrah ja kai di otru jenti sa bolsu ke saku kiora barku buah ja subih na seu.

**PEGADU**

**13**

**Bos LES:** Isti stesang mutu friu. Bos podih pichah mezi bentu friu?

**13a.** Undi bos teng 6.45pm Kintafera 27 Set?

**Bos LES:** Yo mestri, ta dah lisang matematika na skola keninu Lim Chin Siong.

**13b.** Kantora kabah bos sa lisang?

**Bos LES:** 7pm.

**13c.** Kifoi lisang kabah tang tadri?

**Bos LES:** Seng, ja kabah tadri, mas yo sa studanti tudu kereh prendeh tantu.

**13d.** Bos gostah bos sa studanti?

**Bos LES:** Ngka busiduh kung nggeng. Tudu yo sa krengkrensa.

**13e.** Bos ja achah saguati di bos sa studanti?

**Bos LES:** Sertu. Yo nanggora ja achah isti orlozi oru di yo sa studanti mutu bunitu.

**PEGADU**

**14**

**Bos LES:** Kifoi bolotu kereh papiah kung yo?

**14a.** Undi bos teng 6.45pm Kintafera 27 Set?

**Bos LES:** Yo teng na kaza di komprah.

**14b.** Kal kaza di komprah?

**Bos LES:** Orchard Gateway. Akeli bau nubu intresmiu Orchard Central kung 313 Somerset.

**14c.** Ki bos ta fazeh nali?

**Bos LES:** Eh, isti yo onsong sa bida lah. Kifoi bos kereh sabeh? Yo ta santah na kaza di libru Orchard kereh skribeh stori.

**14d.** Ki sorti di stori bos ta skribeh?

**Bos LES:** Kifoi bos kereh sabeh? Yo ta skribeh ngua stori di amor.

**14e.** Kifoi bos kereh skribador?

**Bos LES:** Pra doi! Ozindia keng-keng pun podih fikah. Chuma Crazy Rich Asians.

**PEGADU**

**15**

**Bos LES:** Bos teng lensu na isti stesang matamata? Yo sa krensa di leti ta dah spiru.

**15a.** Undi bos teng 6.45pm Kintafera 27 Set?

**Bos LES:** Na kaza di libru “Wild Side”.

**15b.** Kifoi bos teng nali?

**Bos LES:** Teng isti skribadora, Mackenzie Schoon — yo sa krenkrensa gostah eli sa libru tantu. Akeli dia eli ta dah papiasang na rentu di kaza di libru.

**15c.** Bos kung Sra. Schoon kambradu?

**Bos LES:** Ngka. Antis di papiasang yo nenang fazeh nada kung eli.

**15d.** Klai bos ja achah isti libru?

**Bos LES:** Isti eli sa copy di “Kabalu di Mar”, akeli libru eli ta largah na akeli dia. Ja dah kung yo dispois eli sa papiasang. Mparti podih komprah.

**PEGADU**

**16**

**Bos LES:** Aiyoh, kifoi yo teng naki! Yo sa krenkrensa mistih kumih!

**16a.** Undi bos teng 6.45pm Kintafera 27 Set?

**Bos LES:** Na jarding animal kung familia.

**16b.** Ki bolotu ta fazeh nali?

**Bos LES:** Um...ta olah kung animal lah. Kifoi bos bai jarding animal?

**16c.** Ki animal bolotu ja olah?

**Bos LES:** Oh tantu lah. Tigri lah, pastu lah, pesi lah, liang lah...pun teng animal exotic. Lontra lah, tratuga lah, labalaba jiganti...

**16d.** Bos ja papiah kung judanti di jarding?

**Bos LES:** Ngka papiah kung nggeng nali. Olotu tudu mutu lantadu.

**16ed.** Ja papiah kung otu bizita?

Oh! Ja papiah kung ngua timonera. Eli mutu neches. Ja dah kung yo isti figura di Jesus.



**PEGADU**

**17**

**Bos LES:** Kifoi yo impodih papiah kung yo sa familia? Ki bolotu kereh sabeh?

**17a.** Undi bos teng 6.45pm Kintafera 27 Set?

**Bos LES:** Na yo sa kaza ta drumih.

**17b.** Kifoi bos ta drumih?

**Bos LES:** Kifoi yo ta drumih? Kauzu yo kansadu lah!

**17c.** Kifoi bos kansadu?

**Bos LES:** Kauzu yo sa dia di sibrisu mutu kansadu, ja fazeh sibrisu ati kereh mureh.

**17d.** Undi bos sa lugah di sibrisu?

**Bos LES:** Ki bos lembrah? Akeli bau mutu grandu na pertu di riu?

**17e.** Kifoi bos nteh na bos sa lugah di sibrisu?

**Bos LES:** Yo ministru! Yo teng mutu tantu angkoza mistih fazeh pra ganyah doi. Eh. Ngka faseh fikah riku na isti tera.

**PEGADU**

**18**

**Bos LES:** Bos sa stesang matamata ngka disabled-friendly. Impodih santah kadera roda.

**18a.** Undi bos teng 6.45pm Kintafera 27 Set?

**Bos LES:** Ki bos ta falah? Beng impeh impoku mas pertu di yo. Impodih olah lah.

**18b.** Undi bos teng 6.45pm Kintafera 27 Set?

**Bos LES:** Yo ja bai ospital pra check-up kung yo sa dokta, Dr Westerhout.

**18c.** Kifoi bos ja bai check-up?

**Bos LES:** Kora-kora yo sa fila falah mistih bai mistih bai lor.

**18d.** Bos ja bai check-up kung eli?

**Bos LES:** Ngka. Ngka bai kung nggeng.

**18e.** Bos gostah dokta di ospital?

**Bos LES:** Seng, tudu gostah. Mas teng isti kuranti yo ngka gostah. Mutu bunitu mas mutu lantadu. Nggeng gostah kung eli.

**PEGADU**

**19**

**Bos LES:** Kifoi bos ja tomah yo sa bolsu? Yo kereh papiah kung yo sa kontianti.

**19a.** Undi bos teng 6.45pm Kintafera 27 Set?

**Bos LES:** Yo sukanera. Bos ngka sabeh kung yo?

**19b.** Ngka. Keng bos?

**Bos LES:** Yo sukanera mutu famadu. Ja bringkah na bringkasang pra Singapura.

**19c.** Kiora bos ja bringkah?

**Bos LES:** Anu pasadu.

**19d.** Bos ja pedreh bringkasang?

**Bos LES:** Nenang. Yo nenang pedreh bringku na mparti.

**19e.** Undi bos latih bos sa chadisa hockey?

**Bos LES:** Na tantu lugah. Mas yo gostah bai Tessensohn Hockey Association. Nali yo ja komprah isti pau di hockey nubu.

**PEGADU**

**20**

**Bos LES:** Agora, bos ja chegah. Beng. Santah. Pidih.

**20a.** Undi bos teng 6.45pm Kintafera 27 Set?

**Bos LES:** Na olu di mundu sigundu, ta abuah na riba di chang kung bentu.

**20b.** Undi?

**Bos LES:** Na olu di mundu sigundu. Beng. Pichah bos sa olu. Podih intrah.

**20c.** Ki isti mundu sigundu?

**Bos LES:** Akeli mundu na rentu di bos sa korsang. Na rentu di tudu jenti sa consciousness kollektive.

**20d.** Keng gobernah isti mundu sigundu?

**Bos LES:** Bos. Kung yo. Kung tudu jenti onsong di isti sidadi. Juntadu nus podih intrah isti lugah sigredu, buskah...alegria. Beng. Birah. Yo podih spregah bos sa ombru kansadu.

**PEGADU**

**21**

**Bos LES:** Oh Deus, kifoi bolotu ja tizeh yo beng naki!

**21a.** Undi bos teng 6.45pm Kintafera 27 Set?

**Bos LES:** Ta rezah.

**21b.** Undi bos ta rezah?

**Bos LES:** Mparti. Undi-undi. Na tudu lugah di mundu. Na bos sa korsang.

**21c.** Na akeli dia Kintafera 27 Set, undi bos ta rezah?

**Bos LES:** Yo impodih lembrah. Mas yo lembrah yo ja achah isti ropa mutu fineza kung riku na akeli dia. Bos gostah? Eli ja fazeh di seda.

**21d.** Bos ta rezah kung keng?

**Bos LES:** Ngka rezah kung nggeng. Rezah kung Deus namas, kung tudu eli sa anju bunitu. Yo lembrah yo ja ntopah ngua di eli sa anju nubu na yo sa sonu na akeli dia.

**PEGADU**

**22**

**Bos LES:** Ki bos kereh sabeh?

**22a.** Undi bos teng 6.45pm Kintafera 27 Set?

**Bos LES:** Yo ta santah kareta bai bazar.

**22b.** Kal bazar?

**Bos LES:** Bazar na banda di antiyuni grandi, na sentru di sidadi.

**22c.** Kal antiyuni?

**Bos LES:** Yo impodih lembrah mparti sa nomi lah. Ja fikah belu.

**22d.** Teng otru jenti na kareta?

**Bos LES:** Ngka. Yo ngka santah na akeli kareta kung nggeng. Namas yo.

**22e.** Bos ja buskah angkoza stranjeru na kareta?

**Bos LES:** Ngka. Yo ngka buskah nada. Achoo! Oh, aiyoh, podih judah tomah yo sa lensu di yo sa bolsu? Kung akeli chabi.

**PEGADU**

**23**

**BOS LES:** Teng bong matamata!

**23a.** Undi bos teng 6.45pm Kintafera 27 Set?

**BOS LES:** Na parku kung yo sa kachoru Lucky.

**23b.** Kifoi bos teng nali?

**BOS LES:** Lucky sintih mutu tristi, kereh bai andah.

**23c.** Klai bos sabeh Lucky ngka sintih bong?

**BOS LES:** Yo podih les Lucky sa kabesa.

**23d.** Klai bos podih fazeh isti?

**BOS LES:** Yo beng di otru strelapedra. Nali nus tudu podih les otru jenti sa kabesa.

**23e.** Undi teng Lucky agora?

**BOS LES:** Dispois andah-andah na parku, Lucky ja sintih mas bong, ja bai otru tera fazeh revolution fikah presidenti.

**PEGADU**

**24**

**BOS LES:** Kiora yo podih sai di isti lugah?

**24a.** Undi bos teng 6.45pm Kintafera 27 Set?

**BOS LES:** Na yo sa kareta, ilagri Rua Marbeck.

**24b.** Kifoi bos teng nali?

**BOS LES:** Oh, yo nanggora ja kabah nabegah barku na riu.

**24c.** Undi bos nabegah?

**BOS LES:** Na riu.

**24d.** Bos nabegah kung otru jenti?

**BOS LES:** Ngka. Nggeng ja beng kung yo.

**24e.** Kifoi bos ja nabegah na isti lugah?

**BOS LES:** Yo kung yo sa maridu bendedor/a di belianti kung fatu. Akeli dia nus ja bai ngua ila na sentru di riu bai buskah nasang di belianti nubu. Nang asih nteh nada. Teng pedra rubing namas.